

Cytundeb Lefel Gwasanaeth Cynradd Gwasanaeth Addysg Archifau ac Amgueddfeydd Ebrill 2020 – Mawrth 2023

1. Y Cytundeb

Cytundeb Lefel Gwasanaeth yw hwn rhwng y Gwasanaeth Addysg Archifau ac Amgueddfeydd ac Ysgolion Gwynedd.

Bwriad y cytundeb yw cynnig gwasanaeth sy'n galluogi i blant Gwynedd gael mynediad at eu hetifeddiaeth gan ddod â hanes a threftadaeth Gwynedd yn fyw i'r disgyblion mewn modd cyffrous ac unigryw.

2. Y Gwasanaeth

Darperir y canlynol gan y Gwasanaeth

2.1 Gwasanaeth Ymholiadau:

Darperir gwasanaeth ymholiadau mewn ymateb i geisiadau athrawon am adnoddau. Darperir pecyn o ddeunydd archifol drwy gyfrwng copiâu caled neu gopiâu digidol ar CD-Rom. Nid oes cyfyngiad ar y nifer o ymholiadau y gall ysgol anfon mewn blwyddyn.

2.2 Ymweliadau ag Ysgolion:

Bydd Swyddog Addysg y Gwasanaeth yn ymweld ag ysgolion i ddangos a thrafod deunydd archifol drwy addysgu'r dosbarth gyda chymorth cyflwyniad digidol yn ogystal â dangos a thrafod creiriau amgueddfaol. Nid oes cyfyngiad ar y nifer o ymweliadau i ysgol a wneir gan y Swyddog Addysg mewn blwyddyn.

2.3 Ymweliadau ag Archifdai:

Cynigir cymorth proffesiynol i athrawon sydd yn ymweld ag Archifdai Caernarfon a Dolgellau. Bydd modd i'r disgyblion a'u hathrawon gael cyflwyniad i'r deunydd gwreiddiol ac i'r Archifdy fel sefydliad sy'n diogelu'r deunydd gwreiddiol hwnnw. Nid oes cyfyngiad ar y nifer o ymweliadau mewn blwyddyn a wneir gan ysgol i'r Archifdai.

2.4 Ymweliadau ag Amgueddfeydd:

Cynigir cymorth proffesiynol i athrawon sydd yn ymweld â'r Amgueddfeydd. Bydd modd gweld casgliad ehangach o arteffactau a chael cyflwyniad i'r amrywiaeth o ffynonellau sydd ar gael yn Storiel (Amgueddfa ac Oriol Gwynedd) ac Amgueddfa Lloyd George. Yn achos Amgueddfa Lloyd George yn unig codir tâl mynediad cyfredol ar ddisgyblion ond bydd athrawon yn cael mynediad yn rhad ac am ddim. Gallai polisi ffioedd Storiel (Amgueddfa ac Oriol Gwynedd) gael ei adolygu yn y dyfodol er mwyn cynnig cyfleon ehangach. O ganlyniad i

hyn gallai fod ffi am rai gweithgareddau ychwanegol penodol. Nid oes cyfyngiad ar y nifer o ymweliadau mewn blwyddyn a wneir gan ysgol i'r Amgueddfeydd.

2.5 Gweithdai i ddisgyblion:

Trefnir gweithdai i ddisgyblion yn yr Archifdai a hefyd yn yr Amgueddfeydd yn seiliedig ar thema arbennig neu, o safbwynt yr Amgueddfeydd, i gyd-fynd ag arddangosfeydd neu ddigwyddiadau amrywiol.

2.6 Cymorth a Chyngor Proffesiynol:

Cynigir cymorth a chyngor proffesiynol i athrawon sy'n dymuno defnyddio adnoddau'r Gwasanaeth Archifau ac Amgueddfeydd ar gyfer gwaith cwricwlwm. Rhoddir cymorth i gyrsiau H.M.S. dalgylchol a threfnir gweithdai yn yr archifdai a'r amgueddfeydd.

2.7 Amserlen

Bydd y Gwasanaeth yn ymateb i geisiadau am adnoddau gan yn gyntaf gydnabod y cais ac yna ymateb cyn gynted a bo modd posib, ond disgwylir i'r ysgol dderbyn yr adnoddau o fewn yr wythnos.

Wrth drefnu ymweliadau ag ysgolion, neu wrth drefnu i ysgol ymweld â'r Archifdai, Amgueddfeydd neu weithdy bydd y Swyddog Addysg Archifau ac Amgueddfeydd yn cydweithio gyda'r ysgol sy'n gwneud y cais gan drefnu diwrnod cyfleus.

3. Dull Darparu

Darperir y gwasanaeth drwy gyfrwng un swydd, sef gan y Swyddog Addysg Archifau ac Amgueddfeydd. Rhennir y swydd rhwng dau berson, y ddau wedi eu cymhwyso'n athrawon, ac un wedi ei gymhwyso'n archifydd. Mae'r swydd yn atebol i'r Prif Archifydd.

Gosodir rhaglen waith ac mae allbynnau'r Gwasanaeth yn cael eu monitro yn nangosyddion perfformiad y Gwasanaeth Archifau.

Cyfrifoldeb y Gwasanaeth yw ymateb i ofynion ysgolion unigol ac yn sgil hyn disgwylir i'r ysgolion hynny gydweithio drwy wneud ceisiadau clir a rhesymol.

Bydd modd i ysgolion unigol ymateb i'r gwasanaeth a dderbynnir drwy ffurflen adborth neu mae croeso i unrhyw un gysylltu yn uniongyrchol â'r Swyddog Addysg Archifau ac Amgueddfeydd neu'r Prif Archifydd.

4. Cost

Un pris yn seiliedig ar y nifer o ysgolion [trwy'r sir sydd](#) yn ymrwymo i'r Cytundeb.

Er enghraifft amcangyfrif y canlynol:

- £365 yn seiliedig ar 83 o ysgolion yn ymrwymo
- £432 yn seiliedig ar 70 o ysgolion yn ymrwymo
- £590 yn seiliedig ar 60 o ysgolion yn ymrwymo

Bydd y gost derfynol (amrediad rhwng £365 a £590 y flwyddyn) yn hysbys unwaith y bydd niferoedd ysgolion sy'n ymrwymo â'r cytundeb yn derfynol.

5. Hyd y Cytundeb

Cynigir cytundeb 3 blynedd o 1 Ebrill, 2020 hyd at ddiwedd Mawrth 2023.